

Dados relata 16 Setembru 2020

### SUMÁRIU

- Atu haforsa responde ba pandemia COVID-19, OMS fornese tán mákina RT-PCR automática, reagentes no konsumível sira seluk ba Laboratóriu Saúde Nasional (NHL). Teste Real-Time Polymerase Chain Reaction (RT-PCR) ida ne'e uza hodi deteta no halo diagnostika ba COVID-19. Ho mákina ne'e, rezultadu bele sai lalais liu no hoi da ne'e bele kolekta dados mós lais no hoi da ne'e bele haforsa kapasidade laboratóriu nian.

ida ne'e mák forneshimentu mákina RT-PCR hosi OMS ba NHL ba datolu.

- Atu mantein forneshimentu ran nian ne'ebé seguru no adekuaudu durante pandemia surtu COVID-19 ne'e krusial tebes. Importante atu nafatin preparadu no responde lais no foti asaun durante pandemia. OMS fornese ona reajente Anti-A Monoclonal, Anti-B Monoclonal, Anti-A,B Monoclonal no Anti-D Monoclonal Banco Nasional de Sangue. Reajente sira ne'e uza hodi determina tipu ran ema ida-idak nian (Tipu ran A, B, AB ka O).

- Atu haforsa seguransa ai-han nian no kualidade teste, OMS suporta NHL hosi forneshimentu reagentes no kímiku ba Atomic Absorption Spectrophotometer (AAS) no High-Performance Liquid Chromatography (HPLC) ba teste aditivu kímiku sira iha ai-han, Antes ne'e, OMS Timor-Leste, hamutuk ho Royal Thai Embassy, Dili no mós Faculty of Medicine Ramathibodi Hospital organiza treinamentu ba pesoál laboratóriu NHL nian kona ba oinsá atu uza mákina rua ne'e.

### SITUASAUN IHA NÚMERU

**Totál no kazu (foun) iha Timor-Leste**

**27 konfirmadu (foun 0 )  
0 mate**

(Bazeia ba dados ne'ebé públika iha [Ministerio da Saúde](#))

Tuir pájina WHO Timor-Leste  
[Facebook](#) no [Twitter](#) no [MS](#)

Ba informasaun klean liután no guia husi OMS kona-ba surtu atuál Moras Coronavirus – 2019 (COVID-19) bele asesu iha [ne'e](#).

### SITUASAUN GLOBÁL

**Totál kazu (foun) iha loron hitu nia laran**

#### Globalmente


**28 637 952 konfirmadu (1 844 959)  
917 417 mate (40 656)**

### AVALIASAUN RISKU OMS

**Nível Globál Aas tebes**




Data notifikasaun kazu foun no kumulativu COVID-19 iha Timor-Leste  
( 16-Sep-2020 : kazu foun-0 kumulativus-27 )



Source : Direcção Nacional Controlo de Doenças - Departamento Vigiância Epidemiologia

## Teste Laboratoriu : COVID-19 Timor-Leste


( 16-Sep-2020 : Kumulative figures )



Source : Direcção Nacional Controlo de Doenças - Departamento Vigiância Epidemiologia

## Situasaun Nasional Kazu : COVID-19 Timor-Leste

( 16-Sep-2020 : Kumulative figures )



Source : Direcção Nacional Controlo de Doenças - Departamento Vijilansia Epidemiologia

## OMS TIMOR-LESTE NIA OBJETIVU ESTRATÉJIU

- Hapara moras da'et hosi ema-ba-ema inklui hamenus infesaun sekundáriu entre sira ne'ebé maka iha kontaktu besik no pesoál saúde sira, haforsa liután prevensaun transmisaun kazu;
- Haforsa Sistema vijilánsia no aumenta kapasidade laboratóriu hodi detekta kazu COVID-19;
- Garante katak halo tuir duni padraun ba Prevensaun no Kontrole Infesaun (PKI) ne'ebé rigoroza tebes no hasa'e kapasidade ba PKI nian;
- Identifika, izola no kuida ba pasiente; inklui fornese mós kuida óptimu ba pasiente ne'ebé infetadu;
- Halo sosialisasaun ba informasaun risku no eventu ba comunidade hotu-hotu no hakotu informasaun la loos liuhosi servisu hamutuk ho parseiru sira.
- Hamenus impaktu sosiál no ekonómiku liuhosi parseria multisetorál.

---

## REKOMENDASAUN NO KONSELLU BA PÚBLIKU

### Fase ita-nia liman beibeik

Fase ita-nia liman ho dezinfetante ka fase ho sabaun no bee

**Tanbasá?** Fase ita-nia liman ho sabaun no bee ka uza dezinfetante sei oho virus ne'ebé hela iha ita-nia liman.

### Mantein distánsia fíziku

Mantein distánsia fíziku pelumenus metru 1 (pasu 3) distánsia hosi ita nian a'an no ema seluk.

**Tanbasá?** Bainhira ema me'ar ka fani sira bele hada'et mós ho turuk-oan sai hosi sira-nia inus ka ibun ne'ebé dalaruma kontamina ho virus. Se ita besik loos ema ne'e, ita bele dada iis tama fali turuk-oan ne'e, inklui ho virus COVID-19 karik ema ne'ebé me'ar infetadu hela.

### Uza maskára bainhira distánsia fíziku la posível

**Tanbasá?** Bainhira ita iha fatin ne'ebé susar atu mantein distánsia fíziku metru ida ka liu tanba fatin kloot, importante tebes atu uza maskára atu hapara transmisaun COVID-19 nian.

### Evita ka'er ita nia matan, inus no ibun

**Tanbasá?** Ita-nia liman ka'er fatin barak no bele da'et virus ne'e. Bainhira kontaminadu ona, hosi liman bele transfere virus ba matan, inus ka ibun. Hosi ne'e, virus ne'e bele tama ba ita-nia isin no halo ita moras.

### Prátika Ijiene Respiratóriu

Tenki asegura ita-boot, no ema ne'ebé besik ita, atu halo tuir ijiene respiratóriu. Ida ne'e signifika katak taka ibun, no inus ho liman sikun ka uza tixu bainhira me'ar or fani. Depois soe kedas tixu ne'e ba lixu fatin.

**Tanbasá?** Pártikula hada'et virus. Halo tuir ijiene respiratóriu, ita-boot sei proteje ema ne'ebé besik ita hosi virus hanesan inus metin, flu no COVID-19.

### Se ita-boot isin-manas, me'ar no dada iis araska, buka lalais tratamentu

Hela iha uma bainhira moras. Se isin-manas, me'ar no dada iis araska, buka lalais tratamentu médiku no telefone uluk. Halo tuir instrusaun hosi autoridade saúde.

**Tanbasá?** Telefone antes sei permiti pesoál saúde sira atu bele direta ita-boot ba facilidade saúde ne'ebé loos. Ida ne'e sei ajuda proteje ita-boot no ajuda prevene hada'et virus no infesaun seluk.

**Buka hatene informasaun no halo tuir konsellu ne'ebé pesoál saúde sira hatoo**

Buka hatene nafatin informasaun ba dezvoltimentu ikus kona-ba COVID-19. Halo tuir konsellu ne'ebé ita-boot nia pesoál saúde sira hatoo, husi autoridade saúde nasional no lokal, ka empregador kona-ba oinsá atu proteje ita-nia an no ho ema seluk husi COVID-19.

**Tanbasá?** Autoridade nasional no lokal sei iha informasaun atualizadu kona-ba karik COVID-19 da'et iha ita-nia área. Sira maka fatin di'ak liu atu hetan konsellu kona-ba saida mak ita tenki halo hodi proteje an.

**Proteje ita nia an no sira ne'ebé ita hadomi hosi #COVID19:**

- Takaibun no inus bainhira me'ar
- Labele ka'er matan, inus noibun
- Evita ba fatin públiku no limita tempu iha espasu ne'ebé taka metin
- Bainhira distansia fiziku la posivel, obrigatóriu ba ita atu uza maskára
- Mantein distansia metru ida ka liu hosi ema seluk
- Hamoos beibeik objetu no fatin sira ne'ebé ita kaer beibeik
- Izola an hosi ema bainhira sente moras no buka tratamentu, bainhira prezisa

Ba matadalan kona-ba medida preventiva seluk disponivel iha [ne'e](#).

---

**Informasaun COVID-19 Information no kontaktu média:**

- Ministériu Saúde estabelese ona número *hotline* – 119 – ba COVID-19 ne'ebé maka ema hotu-hotu bele telephone hodi hetan informasaun relasiona ho COVID-19
  - Alende ne'e, [Páijina Facebook MS](#) nian fornese atualizasaun loloos kona-ba dezvoltimentu COVID-19 iha rai laran
  - OMS Timor-Leste liuhosi nia [Páijina Facebook](#) no [Twitter](#) mós disemina informasaun kona-ba medida preventive, pergunta no resposta, *myth-buster* no atualizasaun ikus kona-ba COVID-19 iha mundu tomak no iha rai laran. Ba media no pedidu ba entrevista bele manda ba [singhsho@who.int](mailto:singhsho@who.int) no [hasane@who.int](mailto:hasane@who.int)
-